

Партбюрон кӧдлмшиг коммунистнр гӱүнӧр шалгъв

—КПСС-н XX-ч хургин шиндврмудӧр болн партин болн правительствин нань чигн кесг эркн чинртӧ шиндврмудӧр гардвр кедж МТС-н эклц партийн организац тооцана цагин эргцд кӧдлмшӧн бурдӧсмн, — гидж Элстин МТС-н эклц парторганизацн бюрон сеглӧгр ӱр Мирный тооцана болн сунъгъврн хургт докладан эклв. МТС-н эклц парторганизацд КПСС-н 25 член, чледин кандидат 5 кӱн бӧӧнӧ.

МТС-н голлгч кӧдлмшт коммунистнр кӧдлджӧнӧ: бригадирмуд—7 коммунист, трактористнр—3, комбайнермуд—5, нань чигн кӧдлмшт.

Эдн кӧдлджӧх ормдан сӧн ӱзмджтӧ кӧдлмш кӱцӧцхӧнӧ. ӱлгӱрлхд, бригадир Рвачев хаврин тӧрӧ тӧрлгӧн 3 ӧдрин дотр дуусв, зурагъар гектар болгънас 8,2 центнер ургъц авхин орчд, 10 центнер авб, намрар газр хагъллгъна зурагъан кӱццднъ кӱцӧв. ӱр Коробейников хаврин тӧрӧгӧн 2,5 ӧдрин дотр чилӧв, зябь хагъллгън кевтнъ дуусв, намрин тӧрӧ тӧрлгън 5 ӧдрт дуусв. Комсомольск-багъчудин бригадин бригадир ӱр Савченко тӧрӧ хуралгъан 1100 гектар газрт 10 ӧдр кегӧд дуусв, эн джил 1300 гектар эмнр газр хагълв. Болдырев, Гермашев нань чигн коммунистнр кӧдлмшӧн ӱзмджтӧгъӧр кецхӧнӧ.

Эн джил МТС 11 минъгън гектар газрас ургъц хурадж авлгъан 11 ӧдрин эргцд дуусв. Хаврин тӧрӧ тӧрлгӧн 106 процент, намрин тӧрӧ тӧрлгӧн 100 процент, зябь хагъллгъан 102 процент кӱцӧв. Трактормуд яслгън джилин туршарт яслг болсна ашднъ дӧрвдгч кварталд ясх зӧвтӧ 14 тракторан болзгаснъ ӧмн ясдж дуусв.

Куундврт орлцен, КПСС-н Элст балгъсна комитетин сеглӧгр ӱр Трубицын—тооцана доклад сулар кегдв, кӧдлмшӧн шалгългън тату, эклц парторганизацн ӧмн бӧӧх селӧнӧ эдл-

ахуг ӧдлӱлх, мах, тос болн ӱс гаргългъарн ӧбрхн джилмудин эргцд США-г кӱцх тӧрмулиг, шинӧс Хальмг танъгъч бурдӧдж автоном ӧгчӧхин туск КПСС-н ЦК-н 1956 джилин ноябрин 24-д гарси шиндвр ягъдж кӱцӧгддж йовхиг ӱр Мирный келси уга, — гидж кел-

—Шинӧс Хальмг автономн танъгъч бурдӧджӧх КПСС-н ЦК-н шиндврт ӱр Мирный политическ чинр ӧгсми уга. Балгъсна комитет хальмг 100 ӧркбул тосдж автха гидж МТС-д даалгъсми. Теруӧс цуг бийнъ 16 ӧрк-бӱл буулгъдж, кӧдлмшт орулдж авч. МТС-н гарлгч даалгъврта кӧдлмшт хальмг улсас нег чигн кӱ ӧдлӱлдж орулсми уга. Хальмг кадрла тиигдж болшго, теднд кӧдлмш ӧгӧд, бӧӧх герӧр теггх кергтӧ. Балгъсна комитетин пленумин шиндвриг ода кӱртл коммунистнрт кӱргдж сонъсхсми уга. Эндӱ хаджгъран дарунъ чиклӧд, Хальмг автономн танъгъчан хурдар босхад, селӧнӧ эдл-ахугъан улм сӧӧнӧр ӧсгдж-ӧргджӱлхӧр ноолда кех кергтӧ гидж ӱр Трубицын келв.

Хургт босдж ӱг келцхӧсн ӱурмуд Руденко, Валегурин, Савченко, Ермаков, Букреев, Гордиенко, Байдииков, Баранов, нань чигн коммунистнр эклц парторганизацн бюрон болн дирекцин кӧдлмшиг шалгъдж келцхӧв. Малас авх эдл-уушин зура кӱцӧсн уга, кӱнд кӧдлмшиг механизировать келгън ик хашнъгар кегднӧ гидж келцхӧв.

Профсоюзин болн комсомолн кӧдлмшт партбюро гардвр сулар ӧгнӧ, джилин туршар эднӧ тооцагъинъ сонъссн уга, кӧдлмшчнрин ӧгдг сӧн селвг, заавриг цагланъ хӧлӧдж шиндлх техбюрон кӧдлмшт онъган ӧгх кергтӧ.

Партийн хург тооцана докладар шиндвр авад, дакад партийн бюрог болн балгъсна партийн конференцд делегатнр сунъгъв.

Д. САНГАДЖИЕВ.